



**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

cxxi [i.e. xi]. Substantia & in se, & quandoquè in subjecto extraneo est
principium adæquatum accidentium

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

IV. Est quoq; substantia non tantum principium adæquatum productivum accidentiū in seipso, dum emanat suas proprietates, sed quandoq; etiam in subjecto extraneo V. G. dum sol, qui formaliter calidus non est, producit calorem non per aliū calorem. Frequentius tamen substantia simul cum accidente producit accidens aliud in subjecto extraneo, ut ignis unā cum suo calore calorem in ligno; dum enim duæ causæ, quarū quælibet habet virtutē producendi effectum, approximantur passo, utraq; attemperato cōcursu influit in effectum. Non impedit igitur calor ignem, quò minùs ignis producat calorem in ligno, et si detur calorē esse agens magis proportionatū ad producēdum aliū calorem, quām est ignis, quæ tamen major proportio non colligitur ex majori similitudine, cùm proportio inter effectū & causā non consistat in similitudine, ut patet in lapide simili alteri lapidi, quē nequit producere. Erit autē accidens cōcurrēns cum substantia ad producendū aliud accidens causa instrumentalis substantiæ, si accidens producendū sit perfectius aecidente producente, aliās non. Porrò potest etiā accidens se solo sine concursu substantiæ

producere aliud accidens in subjecto extra-
neo, ut id contingit, dum aquæ calefactæ calor
producit calorē in manu mea, ad quā calefa-
ctionem forma aquæ nō concurrit effectivè.

XII. Causa efficiens, cum non tantum
producat effectum in spacio sibi contiguo,
sed & in remoto, intra sphæram tamen lux
activitatis (si enim sol produceret solum lu-
cem in aëre sibi contiguo, hæc lux dein absq;
solis concursu producit aliā lucem in aëre sibi
contiguo, hæc rursus lucem sequentem in se-
quente aëris parte, ja tanta erit lux in lateribus
cōclavis, à quibus ad solē linea recta ducine-
quit, quam in loco undequaque patulo, cum
æquè his partibus lux approximetur; immo
stylus in horologio solari nō jacet umbram,
si lux horologio cōtigua illud sola illuminet)
debet eidē spatio, cui per suam entitatem seu
cōtiguitate formalī & immeditatione suppositi
præsens non est, approximari per contactū &
immediationem virtutis, diffundendo à se &
cōtinuando per medium actionem, vel etiam
virtutes aliasve qualitates (quales quamplati-
mæ per medium diffunduntur, et si nobis sint
imperceptibiles, ut odor, ex quo canis inquirit
feras, qualitates morbidæ & venenatæ ab ar-
gris,